



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlm XV. Suggestum.

[urn:nbn:de:hbz:466:1-62587](#)

tatio intermitti debet, si v.g. illustris persona sit, quæ absolutionem petere & obtinere parata sit.

Sed et si excessus notoriū esse videatur, id ēque judiciali examine atque sententiā opus non esse, sed solum executione, si condemnatio seu pœna per legem statuta sit, expedit tamen & sepe necessarium est, delinquentem citari, ut intelligat excessum notoriū esse, id ēque statim ad executionem & denuntiationem veniti posse, juxta Clem. 2. in fin. junct. Gl. verb. Publicare. de pœnis: nam citatus negare poterit excessum notoriū esse, & contra hanc ipsam notoriūtatis declarationem appellare: quare aiunt Abb. hic. n. 6. Alex. n. 13. Tamen si à pœna ipso jure lata appellari non possit, c. Quia nos. hoc tis. & norauit Gl. in c. Cui- pientes. 16. §. Quod si. verb. Expectati. de elet. in 6. tamen appellari potest à declaratione, quippe quæ non juris est, sed hominis seu Iudicis, quod incident in pœnam lege decretam. At verò, si reus citatus nullam defensionem, exceptionēmve opponat, & factum notoriū sit, tunc declaratione opus non est, sed statim ad executionem procedi potest, vii colligitur ex c. 3. §. Quod si forte. de off. ordinar. & docet Dominicus in c. Cū secundum. §. Confiscationis Not. 3. de baret. in 6.

5 Not. III. Etiam Summus Pontifex, vel delegatus, aut legatus eius non absoluit ab excommunicatione Pontificia, nisi prius satisfactum sit parti læsæ, saltem per transactionem, aut cautionem. Ita sumitur ex hoc c. & c. Parochianos. 9. de sent. excommunicationis.

CAPITVLVM XIV.

Consuluit &c.

P A R A P H R A S I S .

Si manifestum seu notoriū sit, quod Titius vxorem Cajj detineat, aut in Clericum manus violentas iniecerit, appellatio eius deferendum non est; Verum tamen quia multa dicuntur notoria, quæ

non sunt, ideo cauendum est Iudici, ne quod pro dubio habendum est, ipse notoriū esse censeat.

S U M M A R I V M .

1. Si crimen notoriū sit, conceditur appellatio à pœna, qua à judge decreta est, si ea modum excedat.
2. Index diligenter inuestigare debet, num crimen notoriū sit, alias procedere non potest ad declarationem, vel denuntiationem.

N Ot. I. Si crimen notoriū sit, non conceditur appellatio. Intellige si Index procedat secundū pœnam à jure decretam, si autem pœna decreta non sit, ipse decernendo pœnam, modum excedere potest & grauare, ita ut appellationi locus sit.

Not. II. Index diligenter inuestigare debet num factum, v. g. Clerici percussio, notoriū sit, vt nulla excusatione defendi possit. v. g. à censura contra factum; alioquin enim procedere non potest ad declarationem aut denuntiationem, quia fieri potest, ut Laicus Clericum percussit causā defensionis, vel in ebrietate, ita ut mortaliter non peccat.

§. Si Iudex.

Appellationi deferat terminum temporis præfigit, intra quem eam prosequi debet (sēi iter arripiendo seu Apostolos presentando) aut si prosecutus non sit, denuo se sistat Iudici à quo, de hac re dictum est, precedente. & c. 5. h. tit.

C A P I T V L U M X V .

Suggestum.

P A R A P H R A S I S .

Titius extra judicialiter appellavit ad Papam v.g. ne in electione procedatur, Canonici autem tametsi scirent appellatum esse, non venerunt Romam, nec Procuratorem miserunt (cū ad id nō tenerentur) sicuti Abb. hic monet. n. 1. cū autē intellexissent Titium literas impetrâsse ad Iudicem delegatum, ipsi appellant, & iter arripiunt Romam versus, Hoc casu

De Appellationibus, recusationibus, & relation. 519

casu si Iudex delegatus intelligat per fraudem, aut ex malitia id eosegisse, ut Titii diligentiam irritam redderent, appellationi eorum deferre non debet, sed ea non obstante causam definire, tametsi enim alias responsum sit in c. Meminimus.

9. c. Ad hac. 38. h. tit. quod delegatus si ante citationem appelletur, ne in causa procedat, supercedere debeat, id tamen cum ad grauamen oppressorum amoenum fuerit constitutum, non debet ad iustitiae depressionem conuerti.

S U M M A R I U M .

1. Causa ob quas remedium appellationis introductum est.
2. Ratio legis sive in ea expressa sit, sive prudenter subintellexit, limitat vel ampliat verba legis.
3. Quod ob certum finem constitutum est, non debet inferiure ad effectum contrarium.

¶ **N**ot. I. Causa, ob quas remedium appellationis introductum est, haec sunt: ut grauamen oppressorum remouatur, ut iniustitia aut imperitia Iudicium corrigatur. Denique, ait Abb. hic. n. 3. vt ex propria ignorantia, aut negligencia Iesus Ius suum consequi possit: nam quae non probata, nec allegata sunt in prima instantia judicii, ea allegari, aut probari possunt in 2. seu coram Iudice appellationis, per hanc. 4. c. de temporibus appell. c. Cum Joann. de fide instrumentorum. quare accidere potest, ut tametsi sententia formaliter justa sit, & Iudex recte processerit, tamen ea propter nouas allegationes rescindi debeat.

2. Not. II. Non tantum si ratio legi adiecta sit, ea limitat vel ampliat verba legis, sed etiam si nulla sit causa expressa, appareat tamen una seu adaequata legis ratio ex jure naturali, tum ad limites eiusdem rationis restringenda & interdum amplianda est lex, ita Abb. h. n. 2. Franc. not. 1. Alex. n. 3. ex Buld. in l. Non dubium. C. de legibus. nam ratio, sive ea in lege expressa sit, sive prudenter sub intellecta, est veluti anima seu dirextrix legis: prout docui l. 1. tradit. 4. c. 18. n. 4.

Not. III. Quod legi constitutum est 3 ob certum finem, non debet ad effectum contrarium inferiure. Ita gl. b. c. verb. removendum. Hac ratione dicitur in c. Licet. 6. dist. 4. s. quod prouisum est ad concordiam, non debet tendere ad noxam, & in l. ult. C. de usucapione pro emptore. quod pupillus juris fauorem sibi concessum ad iniquum compendium trahere non debet, & similiiter in c. Quod nonnullis. 25. de privilegio. quod priuilegium juris ad iniquum dispendium tendere non debet. in c. Nonnulli. 28. de rescript. juncta gl. verb. juris obseruantia. quod inde iniuria oriri non debent, vnde iura nascuntur.

C A P I T U L U M . XVI.

Ad presentiam.

P A R A P H R A S I S .

R. Presbyter à sententia Eboracensis Archi-Episcopi appellauit ad Papam, eo tamen non obstante, Archi-Episcopus illum excommunicauit; ea propter R. questionis est apud Alexand. III. qui causam Iudicibus delegauit: hi dictum R. tametsi de jure excommunicatus non esset, tamen absolu curarunt: hic vero Papa rescribit Archi-Episcopo, quod dicto R. questionem mouere non debeat, quia diuina celebrabit in excommunicatione ipsi illata post appellationem interpositam, sed ad eum statum omnia reducat, in quo erant tempore emissae appellationis.

S U M M A R I U M .

1. Excommunicatione lata à judge post legitimam appellationem irrita est.
2. Celebrans post excommunicationem vel suspensionem ab officio, qua ipso jure irrita est, non debet censere irregularis. Potest tamen talis absolutionem petere ad cautelam.
3. Cautela in tali casu pro Ordinario.
4. Iudex delegatus potest absoluere excommunicatum ad cautelam, ut possit in iudicio contendere.

Not.